

¡BOMBA!

A recuperar los trenes, tantos años olvidados, aunque por estos lados, ¿cómo andarán los *vaivenes*?



K'uintsil

Jueves 21 de mayo de 2026

CAMPECHE · YUCATÁN · QUINTANA ROO · AÑO 11 · NÚMERO 2728 · www.lajornadamaya.mx



Méxicoe' tu jach ka'ankunsaj le beyka'aj kaab ku beetik, tumen maanal 60 mil tóoneladas ku jóok'sik

Tu ja'abil 2025e', u próoduxionil kaabe' tu chukaj 60 mil 297 tóoneladas, le je'ela' reekord tu chiikbesaj ya'abchaj 5 por siiento keetel yéetel jump'éeel ja'ab aantes, tumen ti'al le je'elo' chéen yanchaj 57 mil 430 tóoneladas, beey tu ts'áaj k'ajóoltbil Secretaría de Agricultura y Desarrollo Rural (Sader).

U meyajil áapikulturae' jump'éeel ti' le jejelás meyajobob ku beeta'al te'el kaajo'obo', ts'o'oke' ti' le ts'ook jo'op'éeel ja'abo'oba', u jóok'sa'al kaabe' jujump'ítil u bin u ya'abtal.

Ichil ba'ax a'alan tumen Dirección General del Servicio de Información Agroalimentaria y Pesquera (DGSIAPI), tu ja'abil 2020e' jóok'sa'ab 54 mil 122 tóoneladas.

Úchik túun u máan U K'iinil u Yik'elo'ob Kaab Yóok'ol Kaabe', Sedere' tu ya'alaj tu noj lu'umil Méxicoe' yaan 45 u jejelásil ik'el kaab ku beetiko'ob u yantal kaab, ts'o'oke' yaan xan maanal 47 mil próoduktooro'ob, beey a'alan ich Atlas Nacional de las Abejas y Derivados Apícolas.

U noj lu'umil Méxicoe' ti' yaan tu lajunp'éeel kúuchil ti' le 115 u p'éeel noj lu'umo'ob ichil tuláakal yóok'ol kaab tu'ux ku meyajta'al kaab.

Ik'el kaabe' juntúul ti' le ba'alche'obo' maas jach ya'abach talamilo'ob ku máansik yóok'olal kaambio klimaatikoo, yéetel tumen ku k'a'abéetkunsal péestisidás, le beetike' ts'o'ok yaan jejelás meyajobob ti'al u

péektsilta'al ka béeyak u múul yantal kool yéetel áapikulturaa, ikil u k'a'abéetkunsal xan pláaguisidás, tumen táan u kaxta'al múul meyaj yéetel Agencia Alemana de Cooperación al Desarrollo (GIZ), ichil táan u beeta'al u meyajil POLILAC, tu'ux ku kaxta'al u kaláanta'al mejen ba'alche'ob ku póolinisaro'ob.

Beey túuno', u mola'ayil Organización de las Naciones Unidas para la Alimentación y la Agricultura (FAO) tu beetaj páayt'aan ti'al u kaláanta'al u yik'elo'ob kaab, ikil u beeta'al xan jats'uts paak'alo'ob, balkoones yéetel téerrasas uts ti'al le póolinisadooro'obo', je'el bix xan u yila'al u yáanta'al kabnáalo'obn ikil u ma'anal le jejelás ba'axo'ob ku meyajta'al yéetel ku jóok'sa'al ti' le kaabo'.

Alexia Villaseñor yéetel Jared Laureles / P 20
Oochel gobierno de México